

575

522

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina

CANTON SARAJEVO
Cantonal Administration for Inspection Issues

Bosna i Hercegovina
Federacija Bosne i Hercegovine
KANTON SARAJEVO

Broj: 14-02-05-00822/19
Sarajevo, Februar 27. 2019. godine

PRIMLJENO: 28-02-2019		
Organizacija / Institucija	Broj / Datum	Broj priloga
01	05 / 12.10-29	

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
SARAJEVO

(Na pažnju, predsjedavajućeg, Elmedina Konaković)

Predmet: Odgovor na zastupničko pitanje broj: 01-05-1210-29/19 od 04.02.2019. godine postavljeno od strane zastupnice Admele Hodžić - dostavlja se ;

Zastupnica Admela Hodžić na Četvrtoj Radnoj sjednici Skupštine Kantona Sarajevo, održanoj dana 30.01.2019. godine u okviru tačke dnevnog reda "Poslanička pitanja, inicijative i odgovori" a u skladu sa Poslovníkom Skupštine Kantona Sarajevo postavila je zastupničko pitanje koje glasi:

"Koliko ste inspekcijskih nadzora imali u protekloj godini u osnovnim i srednjim školama ukupno i pojedinačno? Koliko je od toga bilo anonimnih a koliko neanonimnih prijava, osnovanih i neosnovanih? Koliko u prosjeku traje jedan inspekcijski nadzor i koliko su radnih sati inspektori proveli u osnovnim i srednjim školama?"

U vezi s postavljenim pitanjem, dajemo slijedeći

ODGOVOR :

Inspekcijski nadzor u osnovnim i srednjim školama na području Kantona Sarajevo vršen je u 2018. godini od strane inspekcije rada i prosvjetne inspekcije.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Nadzori su vršeni u okviru nadležnosti propisanih lex specialis zakonima i to Zakonom o osnovnom odgoju i obrazovanju Kantona Sarajevo ("Sl.novine Kantona Sarajevo" br. 23/17 i 33/17) i Zakonom o srednjem obrazovanju ("Sl.novine Kantona Sarajevo" br. 23/17).

U toku 2018. godine u osnovnim i srednjim školama ukupno je izvršeno 690 inspekcijskih nadzora, od čega je inspekcija rada izvršila 186, a prosvjetna inspekcija 504 inspekcijska nadzora.

Inspekcija rada od ukupno 186 izvršenih inspekcijskih nadzora u osnovnim školama, izvršila je 81 inspekcijski nadzor po anonimnim prijavama, od čega je 21 prijava osnovana, a 60 anonimnih prijava neosnovano, i šest nadzora po anonimnim prijavama u srednjim školama od čega su dvije anonimne prijave osnovane i četiri neosnovane.

Broj inspekcijskih nadzora od strane inspekcije rada po prijavama čiji je podnosilac poznat, izvršen je u 85 osnovnih škola od čega je 31 prijava osnovana, a 54 prijave neosnovane, dok je u srednjim školama po podnesenim uredno potpisanim prijavama izvršeno 14 inspekcijskih nadzora od čega je sedam prijava osnovano, a sedam prijava neosnovano.

Ukupan broj radnih sati koji su inspektori proveli na terenu odnosno u školama vršeći inspekcijske nadzore je 356 što prosječno iznosi dva sata po jednoj prijavi.

Prosvjetna inspekcija u osnovnim i srednjim školama na području Kantona Sarajevo izvršila je ukupno 504 inspekcijska nadzora od čega 86 redovnih, 290 usmejerenih i 38 kontrolnih pregleda.

Broj usmjerenih inspekcijskih nadzora koji su inicirani podnesenim anonimnim prijavama u osnovnim školama je 52 od čega je 12 anonimnih prijava osnovano, a 40 anonimnih prijava neosnovano, dok je u srednjim školama po anonimnim prijavama izvršeno 20 nadzora od čega su tri osnovane, a 17 anonimnih prijava je neosnovano.

Broj inspekcijskih nadzora po prijavama po kojima je postupala prosvjetna inspekcija čiji je podnosilac poznat u osnovnim školama je 123 od čega je 25 osnovano, a 98 prijava je neosnovano, dok je u srednjim školama izvršeno 95 nadzora po prijavama čiji je podnosilac poznat od čega su 33 prijave osnovane, a 62 prijave su neosnovane.

Ukupan broj radnih sati koji su prosvjetni inspektori proveli na terenu odnosno u školama vršeći inspekcijske nadzore po prijavama je 1242 što prosječno iznosi 2,30 sati po jednoj prijavi.

Međutim, stvarni broj sati za postupanje po jednoj prijavi je prosječno pet/šest sati, jer inspekcijski nadzor podrazumjeva pripremu za inspekcijski nadzor, odnosno upoznavanje sa sadržajem prijave, konsultaciju u vezi s primjenom zakonske norme, sačinjavanje zapisnika koji se vrši u mjestu odnosno sjedištu škole, eventualno poduzimanje određenih upravnih mjera, praćenje izvršenja upravnih mjera kao i odgovor stranci, ukoliko je podnosilac poznat. Ukoliko podnosilac prijave nije poznat, inspektor sačinjava službenu zabilješku i istu ulaže u spis.



Ovdje posebno želimo naglasiti činjenicu da se po prijavama istih lica postupa često po više puta, jer nakon što dobiju odgovor inspektora isti ponovo podnose zahtjeve za vršenje inspekcijskog nadzora i ističu nove činjenice koje se najčešće u inspekcijskom nadzoru utvrde kao neosnovane.

S poštovanjem,

Dostaviti:

1. Predsjedavajući Skupštine KS
2. Sekretaru Skupštine KS
3. Sekretaru Vlade KS
4. Arhiva



DIREKTOR


Fahir Halilović



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

